

Una die torrende dai campagna
 Su poveru teraccu, istraccu e mortu,
 Narad'a su padronu: " itte cuccagna
 Sos ladros' istanotte fini in s'ortu!

Armados' de fusile e de piccone,
 Non ban' lassadu rizza una pianta;
 Tres' corcorigias solu, in su contone
 Si sun salvadas. Oh Madonna Santa,

S'aeresis bidu chin cale lestresa
 Manizzavan' sa pala ei su piccu,
 Parian' cumandadoso a impressa!
 S'aeren giutu calchi brazzu siccu.

Poveru me: so' bene affortunadu,
 Su trabagliu e s'annu andadu a male!
 Ndaere idu calc'unu impiccadu;
 O de mi narres chi bi vi su tale

Mi via divertidu a contu meu!
 Ses' tiros' ba bessidu: issos trese,
 Ed este unu miraculu de Deu
 Chi no m'an pizzicadu! Bona rese

Cussa zente, chi pro una pianta de chibudda
 Bochin'unomine comente&& e niente
 E torran sa familia propri'a nudda!
 Lis pota Deus mandare un'accidente! ""

Risponde su padronu: " fizu caru,
 Su mundu de oe non tene fiducia:
 Ue chircas'amparu no as'amparu,
 Solu ti salva fusil'e cartuccia.

Sos tempos sun passados chi cuntentu
 Su pastor'in sa roba vi seguru;
 Si de erveghe nde lassava chentu
 Chentu nd'acciapsiada in futuru.

Oe mancu sos medros' in pinnettu
 Podes lassare chi no sun furados!
 E poi mi neren chi s'iste chiettu
 Idende& abbirgonzadu dai sos ladros!

Fassendaia, = Fatta puru donzunu a modu sou
 E siana mastros de onzi attrivida,
 S'ispizolen de oro, mannu s'ou,
 A faghes contos a s'attera vida/!""

Nó nara sa leggenda chi una die
Una barc'a su portu est' arrivada;
E una figura candida che nie,
In duna lettu oro bia' colcada:

Coronada de rosas' e fiories'
Chi profumos e mizzas' mandaian':
Bin de su chelu tottu sos colores,
De su mundu sas perlas' bi lughian':

BolaA' in aria candidas culumbas
Subra sa barca, tottu a gira tundu:
S'udi lontanu un'armonia e trumbas,
Chi parze benzan' da atteru mundu:

Sas istellas' riflettin'una lughe
Chi su mar'a rimbazu la tramanda.
Itte misteru sa barca si giughe
Chi s'Universu pare chi cumanda ?!

Sa oghe s'isparghe dai valle a monte
De custa meraviglia istrepitosa,
E a mizzas' sa zente tottu a fronte
Bena' a mare a bides tale cosa.

E tirada sa barca a s'arenile
Itte iden oh Deus: una Santa
Chi lughia che sole e s'impudile!
Unu coro de anseles li canta:

"Glori'a Deus e a sa Mama Sua
Chin sa terra pro ghia a postu pese
A tale chi su peccacu ognunu fua
E onore de chelu sos Tres Reze!"

Sos barones, sos nobiles, sos servos
S'imbenu iam' orantes tottu in coro;
No ba' prus coros chi sian protervos
Chi non neran:" oh Mama eo t'adoro!"

Ispari pro incantu in ogni terra
Sa peste chi arrivada fidi a cue;
Sos piratas finidu han donzi gherra
Ca su mar'in tempesta' los distrue!

Ponen sa Santa in dunu palcu dritta,
Donzunu pro la podere adorare,
Ca in su mantu de oro bi' s'iscritta:
" Eo so su Remediù a donzi male! "

A SA PUNTANA

Abbas refrigerantes, cristallinas,
Cantu canoru de bóches arcanas;
Diafnas, brillantes, argentinas
Ispricu de sas nostras Vacchianas;

In su cale pomposas e galanas,
Cun cavanos e laras porporinas,
Tuju, manos e cara alabastrinas,
Suggestivas, superbasa e sovranas!

Apparin graziosas cun sas tinas,
De su néttare tuo, o fonte amada:
Similes a donzellas bizantinas
In Fidiacos marmos eternadas;

O che mitu de Dea in sa marina
Dae s'atru Nettunu ammacchiada.

Barisone